

Monalonia bothrocranum n. sp. Nigrum, hemielytris fusco-fuliginosis, embolio basique corii pallide flaventibus, cuneo rufescente, margine exteriore basin versus fusco; membrana fuliginosa, venis paullo obscurioribus; antennis totis nigris, solum extrema basi articuli primi pallide flavente, hoc articulo oculo a supero viso fere duplo longiore, fere dimidio basali oblique constricto, secundo et tertio breviter nigro-pilosis, illo latitudine capitis circiter $2\frac{2}{3}$ et articulo primo circiter quintuplo longiore, tertio secundo distincte graciliore et circiter $\frac{1}{4}$ brevior; pectore ventraeque pallide flaventibus, pleuris illius fuscis, basi hujus sanguinea; pedibus pallide flaventibus, femoribus apice incrassato nigro-fuscis, posticis etiam basi late nigro-fuscis, tibiis basi, posticis totis fuscis, his leviter incurvatis, sat dense nigro-pilosis, pilis deorsum vergentibus crassitie tibiae vix aequae longis, tarsis fuscis; capite basi pronoti paullo magis quam $\frac{1}{4}$ angustiore, vertice fovea basali medium paullulum superante instructo, hac fovea medio tenuiter canaliculata; pronoto latitudini basali aequae longo, strictura apicali sat elevata, superne subhorizontali, disco pone hanc versus apicem leviter declivi. ♀. Long. 10, lat. $1\frac{3}{4}$ mm.

Orizaba, m. Aprilis.

M. annulipedi Sign. simile, differt autem structura antennarum, verticis et stricturae apicalis pronoti, tibiis posticis distincte curvatis hemielytrisque longioribus; *M. hilarato* Dist. colore hemielytrorum similis, femoribus apice tibiisque posticis totis fuscis, his distincte curvatis divergens; a *M. atrato* Dist. colore pedum tibiisque posticis minus fortiter pilosis distinctum.

Hesperolabops Kirk.

Corpus oblongo-ovale, opaculum; capite basi pronoti paullo minus quam dimidio angustiore, a supero pronoto circiter dimidio brevior, vertice lato, utrinque in stylum longum oculiferum producto, his stylis sursum et leviter extrorsum vergentibus, medio sulcato; capite ab antico viso perpendiculari, latitudini interoculari aequae longo, a latere viso, stylis oculorum exceptis, altitudine fere dimidio brevior; fronte a vertice lineis duabus valde divergentibus impressis discreta, valde tumido-convexa, supra basin clypei prominente, clypeo verticali, a fronte impressione profunda discreto, ipsa basi in medio capitis a latere visi posita, angulo faciali recto, genis infra stylum oculiferum altissimis, gula vix distinguenda; oculis longe stylatis, sublaevibus, a latere visis magis quam dimidium superiorem styli occupantibus, subpyriformibus; rostro articulo ultimo coxas posticas superante, primo coxas-anticas superante; antennis gracilibus, ad basin styli oculiferi insertis, articulo primo latitudini inter oculos aequae longo, secundo primo graciliore, sublineari; pronoto transverso, lateribus sinuatis, apice quam basi circiter dimidio angustiore, limbo apicali depresso, horizontali, punctato, callis aequae longo, medio stricturam determinatam haud formante, callis transversis, magnis, convexis, medium pronoti attingentibus, in marginem lateralem extensis ibique limbo crasse reflexo instructis, medio anguste distantibus, disco pone eos parum convexo, versus apicem levissime declivi, fortiter impresso-punctato, margine basali subrecto; scutello pronoto parum magis quam $\frac{1}{4}$ brevior, plano, depressiusculo, marginibus crasse elevatis; hemielytris planis, obsolete punctatis, lateribus leviter rotundatis, embolio angusto, lineariter incrassato, cuneo horizontali, latitudine basali longiore; membrana horizontali, margine ejus exteriore eodem cunei brevior, areola unica elongato-triangulari; coxis anticis medium mesosterni attingentibus; pedibus sat longis, femoribus elongatis, tibiis muticis, tarsis articulo primo fisso, secundum usque ad medium ejus includente, hoc et ultimo simul sensim fortiter incrassatis, aroliis cum unguiculis connexis.